

III.

DE AURO.

Aurum quod nigri Manes, quod turbida versant
 Flumina, quod duris extendit Pluto metallis,
 Aurum, quo precio reserantur limina Ditis,
 Quo Stigii regina poli Proserpina gaudet,
 5 Aurum quod penetrat thalamos rumpitque pudorem,
 Qua ductus sepe inlecebra micat igneus ensis:
 Auro emitur facinus, pudor almus venditur auro.
 Inter liventes pereat tibi fulgor arenas,
 Ne post ad superos redeat fames aurea puros.

IV.

DE CAPRA.

Ecussum cornu gremeret dum forte capella,
 Pastor eam gregis talibus orsus adit:
 'Oro, gregis dominus cum te prospexerit, ambo
 Esse tibi dicas cornua fronte tua'.
 5 Trunca capella dehinc: 'Quid narras, pastor inepte?
 Nonne duo faciet ipse deesse mihi?
 Verba queunt istud certe celare nequaquam:
 Apparet factum, res manifesta satis'.
 Hoc tibi de parvo possim narrare nepote:
 10 Desine quid fecit non opus ipse feras.

V.

EPITAPHIVM.

Non ullis meritis, sed sola voce sacerdos,
 Hic mea Lanfrancus sordida menbra tego.
 Bl. 86v. Poscenti veniam largitus Christe latroni,
 Plurima peioris crimina solve pius.
 5 Tunc veniam tantum sola pietate vocatus,
 Ultimus ad regnum te miserante patris.

VI.

Hungrorum cecidi crudeli vulnere fossus,
 Presbiter Arnaldus, virgo Maria, tuus.
 Sed domini natique tui sententia iusta est:
 Pro culpis genitum posce benigna meis,

III, 1 uersam. 2 po& für Pluto, was nur zweifelhafte Vermuthung ist. 3 dictis; v. 3 u. 4 sind am Rande nachgetragen. 4 Quotigii, von Holder verbessert. 5 quo. 7 facinus, verb. facinus. IV, 6 feret. 10 ist unverständlich, ich weiss ihn nicht zu heilen. V, 1 ullus. 5 Tunn, verb. Tunc. VI ohne Unterscheidung mit V verbunden.